

**"Қосшы қаласының әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың қағидаларын бекіту туралы" Қосшы қаласының мәслихатының 2023 жылғы 29 желтоқсандағы № 85/19-8 шешіміне өзгеріс енгізу туралы**

Ақмола облысы Қосшы қаласы мәслихатының 2026 жылғы 15 сәуірдегі № 239/60-8 шешімі

Қосшы қаласының мәслихаты ШЕШІМ ҚАБЫЛДАДЫ:

1. Қосшы қаласы мәслихатының "Қосшы қаласының әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың қағидаларын бекіту туралы" 2023 жылғы 29 желтоқсандағы № 85/19-8 (Ақмола облысының Әділет департаментінде 2024 жылғы 16 қаңтарда № 8687-03 болып тіркелді.) шешіміне келесі өзгеріс енгізілсін:

көрсетілген шешімнің 1-қосымшасында:

10-тармақ жаңа редакцияда жазылсын:

Мереке күндеріне және атаулы күндерге орай әлеуметтік көмек алушылардан өтініш талап етілмей жылына 1 рет келесі санаттағы азаматтарға көрсетіледі:

1) Кеңес әскерінің шектеулі контингентінің Ауғанстан Демократиялық Республикасынан шығарылған күніне – 15 ақпан:

әскери міндеттілерге, оқу жиындарына шақырылып, жауынгерлік іс-қимылдар жүргізілген кезеңде Ауғанстанға жіберілгендерге 25 (жиырма бес) айлық есептік көрсеткіш мөлшерінде;

2) Отан қорғаушылар күніне – 7 мамыр:

Тәуелсіз Мемлекеттер Достастығының тәжік-ауған учаскесінде шекараны күзетуді күшейту жөніндегі мемлекетаралық шарттар мен келісімдерге сәйкес 1992 жылғы қыркүйектен 2001 жылғы ақпанға дейінгі кезеңде міндеттерді орындаған Қазақстан Республикасының әскери қызметшілеріне 25 (жиырма бес) айлық есептік көрсеткіш мөлшерінде;

1986-1991 жылдары Таулы Қарабахтағы ұлтаралық жанжалды реттеуге қатысқан бұрынғы КСРО ішкі істер органдары мен мемлекеттік қауіпсіздік органдарының басшы және қатардағы құрамындағы әскери қызметшілерге 25 (жиырма бес) айлық есептік көрсеткіш мөлшерінде;

бейбіт уақытта әскери қызметін өткеру кезінде қаза тапқан (қайтыс болған) әскери қызметшілердің отбасыларына 25 (жиырма бес) айлық есептік көрсеткіш мөлшерінде;

Чернобыль атом электр станциясындағы апаттың салдарын жою кезінде және азаматтық немесе әскери мақсаттағы объектілердегі өзге де радиациялық апаттар мен

аварияларды жою кезінде қаза тапқан адамдардың отбасыларына 25 (жиырма бес) айлық есептік көрсеткіш мөлшерінде;

3) Жеңіс күніне – 9 мамыр:

Ұлы Отан соғысының қатысушыларына, атап айтқанда Ұлы Отан соғысы жылдарында, сондай-ақ бұрынғы КСРО-ны қорғау жөніндегі өзге де жауынгерлік операциялар кезінде әрекет етуші армия мен флот құрамына кірген әскери бөлімдерде, штабтарда және мекемелерде қызмет өткерген әскери қызметшілерге, сондай-ақ Ұлы Отан соғысының партизандары мен астыртын әрекет етушілеріне 5 000 000 (бес миллион) теңге мөлшерінде;

1986–1987 жылдары Чернобыль атом электр станциясындағы апаттың салдарын жоюға, азаматтық немесе әскери мақсаттағы объектілердегі өзге де радиациялық апаттар мен аварияларды жоюға қатысқан, сондай-ақ ядролық сынақтарға тікелей қатысқан адамдарға 25 (жиырма бес) айлық есептік көрсеткіш мөлшерінде;

Чернобыль атом электр станциясындағы апаттың және азаматтық немесе әскери мақсаттағы объектілердегі өзге де радиациялық апаттар мен авариялардың, ядролық сынақтардың салдарынан мүгедектік белгіленген адамдарға және олардың ата-анасының бірінің радиациялық сәулеленуіне генетикалық байланысты мүгедектігі бар балаларына 25 (жиырма бес) айлық есептік көрсеткіш мөлшерінде;

4) Саяси қуғын-сүргін және ашаршылық құрбандарын еске алу күніне – 31 мамыр:

саяси қуғын-сүргін құрбандарына немесе саяси қуғын-сүргіннен зардап шеккен адамдарға 5 (бес) айлық есептік көрсеткіш мөлшерінде;

5) Халықаралық әйелдер күніне – 8 наурыз:

"Алтын алқа" және "Күміс алқа" алқаларымен наградталған немесе бұрын "Батыр ана" атағын алған, сондай-ақ "Ана даңқы" I және II дәрежелі ордендерімен наградталған көп балалы аналарға 5 (бес) айлық есептік көрсеткіш мөлшерінде;

6) Қарттар күніне – 1 қазан:

зейнетақының ең төменгі мөлшерін немесе ең төменгі мөлшерден төмен зейнетақы алатын зейнеткерлерге және тек мемлекеттік базалық зейнетақы төлемін алатын зейнеткерлерге 5 (бес) айлық есептік көрсеткіш мөлшерінде;

7) Қазақстан Республикасындағы Мүгедектігі бар адамдар күніне – қазан айының екінші жексенбісі:

мүгедектігі бар адамдарға, оның ішінде он сегіз жасқа дейінгі мүгедектігі бар балаларға 5 (бес) айлық есептік көрсеткіш мөлшерінде;

8) Тәуелсіздік күніне – 16 желтоқсан:

1986 жылғы 17–18 желтоқсан оқиғаларына қатысқаны үшін қуғын-сүргінге ұшыраған адамдарға, аталған оқиғалар кезінде адам өлтіру және милиция қызметкерінің, халық жасақшысының өміріне қол сұғу үшін сотталғандарды

қоспағанда, қылмыстық істерді қайта қараудың қолданыстағы тәртібі сақталатын, " Жаппай саяси қуғын-сүргін құрбандарын ақтау туралы" Қазақстан Республикасының Заңына сәйкес ақталған адамдарға 60 (алпыс) айлық есептік көрсеткіш мөлшерінде.

11-тармақ жаңа редакцияда жазылсын:

11. Әлеуметтік көмек өтініш бойынша, толық мемлекеттік қамсыздандыруда тұрған адамдарды қоспағанда, мұқтаж азаматтардың келесі санаттарына көрсетіледі:

1) табысты есепке алмай:

"Қазақстан Республикасындағы ардагерлер туралы" Қазақстан Республикасы Заңының 4, 5, 6 және 7 – баптарында көрсетілген адамдарға Қазақстан Республикасы аумағында санаторий-курорттық емделуге жолдаманың құнын өтеуге төлем құжаттарының негізінде жылына 1 рет 60 (алпыс) айлық есептік көрсеткіш мөлшерінде ;

"Қазақстан Республикасындағы ардагерлер туралы" Қазақстан Республикасы Заңының 4, 5, 6, 7 және 8-баптарында көрсетілген адамдарға коммуналдық қызметтерге жұмсалған шығыстардың бір бөлігін өтеуге ай сайын 3,5 (үш жарым) айлық есептік көрсеткіш мөлшерінде;

табиғи зілзала немесе өрт салдарынан зардап шеккен азаматтарға (отбасыларға) алты айдан кешіктірмей біржолғы 100 (жүз) айлық есептік көрсеткіш мөлшерінде;

әлеуметтік мәні бар аурулары (адамның иммун тапшылығы вирусынан (АИТВ) туындаған ауру, қатерлі ісік) бар, денсаулық сақтау ұйымдарында есепте тұрған адамдарға ауру түрлерінің бірі бойынша жылына 1 рет 25 (жиырма бес) айлық есептік көрсеткіш мөлшерінде;

амбулаториялық емдеуде жүрген туберкулезбен ауыратын адамдарға 6 (алты) ай бойы ай сайын 5 (бес) айлық есептік көрсеткіш мөлшерінде;

адамның иммун тапшылығы вирусынан (АИТВ) туындаған аурумен инфицирленген , диспансерлік есепте тұрған балалардың ата-аналарына немесе өзге де заңды өкілдеріне ай сайын 2 (екі) ең төменгі күнкөріс деңгейі мөлшерінде;

қатерлі ісігі бар балалардың ата-аналарына немесе өзге де заңды өкілдеріне жылына 1 рет 25 (жиырма бес) айлық есептік көрсеткіш мөлшерінде;

бас бостандығынан айыру орындарынан босатылған адамдарға босатылған күннен бастап үш айдан кешіктірмей біржолғы 15 (он бес) айлық есептік көрсеткіш мөлшерінде;

пробация қызметінің есебінде тұрған адамдарға біржолғы 15 (он бес) айлық есептік көрсеткіш мөлшерінде;

жасына байланысты зейнеткерлерге, мүгедектігі бар адамдарды қоспағанда, санаторий-курорттық емделу қызметтері жеке оңалту бағдарламасында көзделмеген жағдайда, Қазақстан Республикасы аумағында санаторий-курорттық емделуге жолдаманың құнын өтеуге төлем құжаттарының негізінде екі жылда 1 рет 30 (отыз) айлық есептік көрсеткіш мөлшерінде;

Семей ядролық сынақ полигонындағы ядролық сынақтардың салдарынан зардап шеккен адамдарға жылына 1 рет 3 (үш) айлық есептік көрсеткіш мөлшерінде;

2) табысты есепке ала отырып:

Ұлы Отан соғысының қатысушыларына, мүгедектігі бар адамдарға, мүгедектігі бар балаларға, жетім балаларға, ата-анасының қамқорлығынсыз қалған балаларға, балалар үйлерінің түлектеріне, "Алтын алқа" және "Күміс алқа" алқаларымен наградталған немесе бұрын "Батыр ана" атағын алған, сондай-ақ "Ана даңқы" I және II дәрежелі ордендерімен наградталған көп балалы аналарға, Қосшы қаласын газдандыру жөніндегі іс-шаралар жоспарына сәйкес газдандыруға жататын жеке тұрғын үйлерде тұратын, сол тұрғын үйдің меншік иелері немесе меншік иесінің отбасы мүшелері болып табылатын, өздерінің және отбасы мүшелерінің басқа тұрғын үйі болмаған жағдайда, жан басына шаққандағы орташа табысы өтініш берілген тоқсанның алдындағы тоқсандағы ең төменгі күнкөріс деңгейінің екі еселенген мөлшерінен аспаған жағдайда тұрғын үйді газдандыруға біржолғы 100 (жүз) айлық есептік көрсеткіш мөлшерінде.

2. Осы шешім алғашқы ресми жарияланған күнінен кейін күнтізбелік он күн өткен соң қолданысқа енгізіледі.

*Қосшы қаласы мәслихатының төрағасы*

*Ә. Қуатбеков*